



郭先生文集

三

服部文庫  
イ 17  
2019  
18



117  
2019  
18

南郭先生文集四編目錄

卷之一

七言古詩五首

五言律詩六十一首

五言排律六首

卷之二

七言律七十七首

卷之三

五言絕句三十五首

七言絕句九十二首

卷之四

序十一首

卷之五

序四首

卷之六

記四首

辯一首

說一首

讀三首

卷之七

世家一首

墓誌二首

卷之八

碑碣十五首

卷之九

題跋十三首

書牘十首

卷之十

書牘十五首

南郭先生文集四編目錄

南郭先生文集四編卷之一

平安

服元喬子遷著

男 雄仲英輯

七言古詩

望葛城山

葛城山上白雲邊萬古千秋白日懸云是昔人飛升  
路只今何處覓神仙連山東南赴大嶽拱如群帝朝  
中天往昔妖星薄北斗元弘天子下殿走繚垣南山  
建行宮谿谷關門分隘守曾是宸庭夢賚彌維南有



木捧天日英雄心事兼精忠誰知管葛期儔匹紆帶  
崢嶸據葛城雲梯仰攻天下兵百萬傷敗不遑救應  
敵從來策轉明運移回復雖不就至今到處存功名  
當年順逆今安在一望浮雲共變態行人回首入須  
臾古今天地君休慨君不見小角仙人拊髀遊白雲  
空駐葛城頭

新帥松前公見貽熊皮古鎗幾死散人年六  
十四自譎作歌

新帥公分自松前舊封遙受北海邊赤豹黃羆出

夷顧憐野老貽熊皮猛獸之威存形質黑雜金毫毛  
色竒丈夫寢處稱服猛藉來茸茸如草披心神未死  
委頓甚白頭顧眄唯自嗤帥公舊物螺鈿鎗室双收  
藏赤電光兼持户内雷霆伏重來投余助顛狂傍人  
但笑爲豪具那知得趣物相忘支道養馬爲神駿淵  
明蓄琴遺宮商人間七十古來稀晨光倏忽在熹微  
伯玉當年六十化幾死到今不知非側柱脫冠謝豎  
儒猶向高陽愛酒徒儻有鼓刀屠肆客醉後憐我老  
狂愚

豹隱公子見貽白松作歌爲謝

逸群公子好奇事，超然長嘯高游志。傲睨久拌天地間，何況中山魏闕思。昔時體忤謝豪華，但從方外求神秘。寄身聊家江海隈，近指蓬萊紫雲臺。倏然發興咄嗟，裏客槎蠻舶供驅催。不難剖蚌探珠至，更見支機載石來。有人歛衿跪致辭，曾盡三山窮海涯。瑰琦磊磊金銀闕，瓊華瑤州任攜持。乃遇仙人一乞得，爲君聊奉松樹奇。千年長想瀛壺迹，果見神仙物盡白。誰知公子推愛深，投我轉來無所惜。齋前封殖塵埃

絕清標不改，四時節春枝。楚楚帶輕霜，夏鬣參參垂。屑雪絲髮，老人爭白頭。且欣坐附列，真遊堪笑秦皇。漢帝無仙骨，空爾驅石勞。船望海流。

余問菅道伯疾主人曰疇昔有夢遊蓬萊願子爲我賦之語且詳矣余乃執筆爲歌其事  
吾黨菅生字道伯得疾七日臥枕席問之寤來向吾言恍然有夢在疇夕純陽真人揖我來引我欲令觀蓬萊執袂飄然若有赴忽到滄海紫雲臺洞門陰陰長朱艸更入物物皆白堆銀樓金閣眩人目玉廊瑤

階轉徘徊群仙何處聞寂寂一隔人間且忘回真人  
說我汝今去他時當復此處來神遊即今遽然寤請  
子何不爲我賦昔人病裏夢鈞天興霸起家皆有先  
天報仁術見吉兆那知非帝錫延年君自平生施救  
藥固當海外伴群仙主人強起謝千萬一得君辭適  
我願病來今日頓爽然縱是夕死無所恨

齋中四壁自画山水戲作臥遊歌

性僻生來甘自棄功名富貴非吾事壯年壯心好漫  
遊匏繫一方不得遂晚歲頗遜尚平家豈料隨年老

亦至一骸瘦羸骨空存一心灰滅無生意四支百體  
與疾俱名山無分於我已神想不須勞赤腳夢魂東  
遊窺大壑况復區中五嶽期鴻蒙拊髀可爵躍奮然  
起掃四壁圖水墨雲煙隨筆落梁上峯連懸鬱蔥障  
間江激搖崖岬尺樹丈山縮地生林巒泉石秋漠漠  
自造迹踈癡自慚寫罷何妨供獨樂吾今咫尺學壺  
公別闢乾坤容此躬病臥醉臥唯能睡夢遊上下坐  
無窮鯨吼雷鳴大鼙響呼吸從來帝座通山靈海若  
應驚走崑崙西極扶桑東只任爲雲復雨北窻五

月歸清風遠尔乃知物化理偃然猶寢一室中

五言律

薩埵眺望

避潮開海驛懸路入山行顧步層崖斷隨看積水生  
境連江勢豁雪近嶽邊明竒絕忘辛苦聊堪償勝情

青楓亭詩并引

楓一樹已枝葉異種主人手接封殖有年既合  
抱矣主人亭于其側日引大杯自賞亦延客賞  
賞率有觀發新之時江士瑤太公家也

玉樹芝蘭外階楓且照家青蔥潤嫩葉紅紫奪穠花  
佳色春秋富盤根歲月遐主人千石酒對此不須賒

石山覽古

石歌留寶地閣迥接湖天今古唯餘色江山復幾年  
金闈諸彥語彤管美人傳名跡空相照長教水月懸

歷三雄山

行入三摩地連山各占雄歲年存古寺神鬼護靈宮  
門徑清相似溪流隔且通深秋千樹色空觀倚青楓

宿鞍馬山示同遊諸子



澗戶鞍山夕偶投丘壑看枕流鳴石急臥席近雲寒  
更問風塵遠無嫌道路難明朝謀出處不必向長安

西游雜詩二首

上國多奇勝中途坐滯淫逐行名嶽出企望大江深  
遲暮浮湘志蹉跎小曾心壯遊違夙昔悔恨到于今  
西嶽嵯峨地荒臺訪帝丘捨身歸佛教問道憶仙遊  
山色藏龍澤壑前虛鷁舟華封千歲後處處白雲愁

守山岡大夫六十壽詩

大夫堅柱石誰似老成餘魯國朋三壽周詩協九如

舞筵群彩服觴席滿嘉魚共樂綏君子頌聲知不虛

春雨集豹隱亭得衣字

主人稱豹隱煙霧自霏霏亭雨和全細林花靜未飛  
興深春酒熟坐久世塵稀愛客魏公子無嫌接布衣

東山矢田君從王駕朝西京賦此餞送

上路從王駕大夫行不勞西征堪作賦東轍本登  
高宮闕多文物雲霄試彩毫朝陽儀衛日共指鳳凰  
毛

送藤萬祐遊東奧

東奧多奇跡，斯遊良壯哉。名山開石室，滄海上仙臺。  
禹穴探書去，秦舟求藥回。行裝輕萬里，羨爾勝情才。  
尾藩致仕大夫北海君閑居數年賦寄問之  
令尹讓新政，莊園愛夙心。名山開畫壁，流水入彈琴。  
長聽棲禽哢，更成嘉樹陰。不知蒿徑色，歲月許多深。

酬長州蘭陵君見寄兼有新刻墨帖文房諸

具之貽

無恙平原飲，知兼文會開。詩書元尚友，賓客況多才。  
展墨驪龍動，飛翰彩鳳來。欣君尋舊事，白首爲重回。

宇土侯凌霄閣雨集探韻

邸第爭高地，凌霄此閣看。侯家分錦字，賓客飽芳餐。  
詩重千秋業，杯深一日歡。醉來雲霧色，忘却雨中寒。  
妙解院後會心亭分得侵韻

後苑空居靜，孤亭院落深。山寒移醉席，池淨濯煩襟。  
人樂游魚水，樹馴棲鳥陰。何妨濠濮想，即會菩提心。  
冬夜客思得寒字

萬里無衣客，還遭日月闌。關山路安在，雨雪歲偏寒。  
夜燭懷人對，鄉書只獨看。夢魂元斷絕，歸意一漫漫。

雪夜泊舟

雨雪孤舟泊，江湖客夜情。洲前疑有影，篷上重無聲。  
稍入曉天霽，還添寒月明。儻容乘此興，復向北風行。

歲杪訪山中人

幽谷行成趣，相求路不難。山深人且在，松古歲愈寒。  
吾有巖阿性，君分丘壑看。為先開臆酒，那問此年闌。

早春聽潮館集得家字

高臺魏闕外，江海覺愈遐。且看春潮色，纔開午日花。  
幽情唯我輩，此興在誰家。隨意耽詩酒，同來弄歲華。

初夏題吏隱亭二首

野興多官暇，郊村占艸堂。殘花春未盡，新樹日添長。  
留客開幽境，銜杯即醉鄉。主人真隱趣，朝市兩相忘。  
坐久鳴禽變，園林入夏殊。且緣隣舍少，轉愛主亭孤。  
歲月移花木，風塵定有無。懶朝應不急，何用促歸途。

小庭假作山水戲示十太

小山覆蕞足，尺澤澄盆新。叱石金華上，探珠赤水濱。  
僊童應似汝，象罔不妨真。幽意看相得，聊成洞裏春。

春夜宴九岐侯悟賞館

春天花月夜侯館苑牆陰相得風流會無非悟賞心  
林光侵秉燭水響入彈琴擊柝城門近方驚密坐深  
送福子幹赴濃州岩邑

客遊殊不惡主遇得相知好濟山川勝何勞瞻望詩  
破顏思後會屈指有前期豫待親朋滿明年瓜熟時

送米田大夫還熊本

好去寒將盡興來春且生歸鞍揚馬策靜海入熊城  
已熟西東路何勞枕席行在郊送君地重更待干旌

南浦春汎得尤韻二首

南浦來停楫春煙渺汎舟隣檣何國舶臨海幾家樓  
魚得深淵釣樽開積水流天池朝夕近坐處是瀛洲  
春浮南浦上桂楫一悠悠四遠疑無地孤懸自有舟  
輕風動帆外遲日靜潮流已得羊何侶遙從海嶠遊  
約花亭之遊風雨誤期已集成芳歇

天上各佳景人間違賞心時催過昨雨花落恨春林  
不管衆芳歇唯聞群鳥吟攜來仍永日閑愛午亭深

聽潮閣避暑

高閣納涼殊遙天控海隅酒酣潮復至日落暑還無

人接清風坐詩懸明月珠袁公河朔興兼更俯江湖  
同諸子遊下毛州富吉石冢氏家行樂數日  
賦贈主人國卿五首

近縣浮遊興偶來留此鄉主人多雅性吾輩任清狂  
萬頃臨陂濶千章列樹長所求幽意足都會杳相忘  
仲長論樂志平子賦歸田園菓香柑熟河魚玉膾鮮  
飲來三日醉談罷五更眠家釀千餘石坐疑封酒泉  
豐稔田家樂淳風別有情隣莊秋穫後巷曲夜春聲  
日出犬雞散天開草木清只慚武陵客行使野翁驚

積翠知非遠長巒指掌間欲探竒僻境聊上太平山  
舊廟杉松冷古城丘壑閑尋常臥遊好真蹈白雲還  
刀襴回頭處慙勤數日遊非關歸意迫還送別時愁  
岸樹千家驛江流一葉舟群呼南去鴈與汝下汀洲  
守山侯園會岡仲錫別來二十年執手相泣  
詩以叙舊

吾黨岡文學廿年違晤言共樽開北海飛蓋遇西園  
秋後丹楓有霜前白髮存故人俱逝事爲子不勝論  
冬日彫龍公子新館成陪宴賦賀得韻一東

慶筵開別館，賀客賦新宮。已增彫龍巧，且期偕鳳通。  
陽階迎至日，陰樹待春風。公子安斯寢，圭璋繼夢熊。  
尋春訪友人郊莊

中野入晴靄，東莊謝積陰。到來棲隱處，共見避塵心。  
酒熟花殊好，人閑春自深。黃鸝似不厭，勸我報清音。  
送國仲容歸長府

憐君留滯久，遼落十餘春。偶作遠遊客，休寧弱喪人。  
遙看關外路，好到海西濱。學業充綰載，攜歸慰所親。  
盛夏飲九歧侯池亭得庚韻

風前稱快地，臺上避塵情。盛暑臨池盡，高涼搖樹生。  
冰紋依簟冷，玉屑對餐清。更愛芙蓉水，懸珠待月明。

客中夜坐

霜露天涯墜，苦來侵鬢毛。坐驚年序早，獨對月明高。  
孤館冷殘酒，故人寒贈袍。鴻書過未達，尚向客中勞。

十四夜集悟賞館賞月得清字

高譙梁臺月，黃昏照夜生。仰看盈尺璧，不待滿輪明。  
坐奪瓊杯色，庭添玉樹清。中秋難豫卜，賞得此時晴。

謝岐阜申文英惠酒詩以代柬

憶昔濃州水猶傳養老名山川人已秀岐阜酒尤清  
樽勝千金壽杯深萬里情知吾衰病減聊寄醉歌成

秋雨懷山中人

蕭條終日雨遙想暮山秋塵事且堪謝雲棲更自幽  
但添楓樹色應增瀑泉流坐冷鳴琴濕為君憐獨遊

天遊侯得白山勝園秋暮陪遊共賞不用巧

命以自然二首

何必勞營作吾公愛自然觀常無擇主靜勝似成天  
山木迴遭徑巖流坐挹泉興長爭日短重醉夕陽邊

勝地如相待侯園得幽境開因地設懷豁愜天遊  
野露臨侵坐郊雲近滿樓物來會心處長愛白山秋

秋日訪耆山上人青山禪居

古道青山靜空居白日寒柴門信客啓笏室容天寬  
茶水清充飲菊英香可餐陶家秋色少此就遠公看

早春會飲金井侯邸

病還迎暖減醉更與年新朋酒逃塵事盍替同故人  
大家具四美佳苑富三春花鳥應無恙此遊知幾巡

春艸

赤羽溪邊艸頗關違世情  
年年兼病長日日喚愁生  
青入春風細碧留朝露輕  
相憐窮巷色莫使馬蹄行

春日同遊渥美氏牛渚莊莊有忘年亭三首

何處多佳苑江東愛此莊  
主閑能避俗客熟見容狂  
一去連歡日同來入醉鄉  
誰知林下趣攜手似山陽  
流連無計日老少已忘年  
牛渚迎潮水龍山送暮煙  
鳥呼歌伐木魚樂坐窺淵  
誰此追來者復看乘興船  
平常知却掃門內淨無塵  
興到頻移席觀深還隔隣  
山花疑待客林鳥不驚人  
避事逢遲日極歡憐永春

夏日新晴遊少林院得峯字

昨雨收前海今晨入萬松  
誰知容酒席並坐對廬峯  
暑障樹陰落清臨水閣  
重醉來狂逸客莫是駭眠龍

送菅大夫移巖邑

遷居命召催千里束裝回  
巖邑親朋滿山城爽塏開  
席珍君子學製錦大夫才  
儻有登高賦裁雲共贈來

冬初同遊少林院觀楓得真韻

少林憐熟路禪院率同人  
霜葉留千樹天光媚小春  
社盟來繹舊賞觀每如新  
多謝山靈護自教遊者頻



冬初送竹太冲歸濃州省母堂

上國坦如砥，無憂行路難。  
頃來霜露重，唯是歲年寒。  
齧指易為感，承顏不失歡。  
歸裝應載業，誰作斷機看。  
題子昌鵲巢亭

斯遊貴采真，高枕野亭春。  
穀食住無處，鵲巢誰是賓。  
何勞沽酒者，應猜輟耕人。  
足繼提壺盡，市烟通近隣。  
太醫令橘公菁我園春集得十灰

家世太醫貴，好文還愛才。  
譚餘閒把筆，詩興熟銜杯。  
玉樹前階敞，菁我後苑開。  
百朋君子錫，相見醉春臺。

小莊栽竹乞諏訪，侯移自西園。  
既成篁叢賦

此謝惠

欲遮村墅陋，移竹自侯園。  
猗綠還堪仰，此君元旦尊。  
生繁期鳳鳥，封殖護龍孫。  
早已催長嘯，清風幽意存。  
艸堂壁上海雲上人為画猿鶴不惟錫光小  
莊悠然有助隱，操因賦為謝

海公遊戲墨，不惜為圖牆。  
似訝猿啼近，疑聞鶴唳長。  
彈琴山入座，開帳月臨牀。  
已謝移文客，永茲憐艸堂。  
酬答管道伯聞余營小莊見贈

病起步西臯，聊充行散勞。州根求服食，松韻擬觀濤。  
僻性終難化，時紛暫可逃。何如君玩世，大隱市朝高。

東山寶光堂集作示諸賢

霜後東山閣，登臨玉樹殘。寶光池上敞，華界鏡中寒。  
無待淵龍現，相期座客歡。詩篇誰最得，不是探珠難。

五言排律

西踰函關

神州開大略，靈嶽道西關。峯頂郊雲外，天門驛樹間。  
湖分銀漢水，崖浸玉函山。征馬蹴巖裂，行人鑿空攀。

誰何嚴詰盜，罔兩避知姦。日閱棄繻入，時看捆載還。  
王侯因設險，客子不為艱。既過長巒盡，回頭破旅顏。

兔道舟歸

急峽連天拆，懸河拔地來。未聞神禹鑿，只怪巨靈開。  
波捲魚龍下，舟浮洪濑回。千巘相映帶，萬壑幾沿洄。  
何限山陰境，長流兔水隈。虹橋吞絕岸，鳳宇落高臺。  
應接多無暇，篇章不易裁。滄浪歌且去，遠愧撰公才。

首春

東叡王宮應教

寶樹東山上靈池北渚隈天龍擎大地

帝子在平臺歌吹遷鶯轉瑟琴歸鴈回詩新春藻發

花早午筵催卓爾

君王雅多哉賓客才誰憐詞賦拙授簡愧鄒枚

猗蘭侯六十壽詩

壽筵開大府佳氣傍朝陽雲近三台色花分上苑香  
館餐授金玉內集見琳琅啼鳥隨琴和新春入酒長  
天應綏有德誰不願無疆東閣從延客南山樂獻觴  
五日鸞嘯閣雨集得魚韻

觴詠雨中會雲霄密不踈龍吟聞滿座鸞嘯在高居  
野客羞陪席侯門混曳裾鬱蒸忘夏節煙霧冷階除  
杯赤榴如酒盤寒冰有魚賦騷遭五日續命謝三閭

秋日哭高子式

斯人歸九原弟子失攀援多病促中歲遺詩餘萬言  
艱才傷化壤楚賦共招魂流水終同逝高山誰與論  
遙思星月影寧照夜臺昏地下從來隔天隅何處存  
形神留片石艸木託荒村悲此秋風裏難尋雞絮痕

南郭先生文集四編卷之一

南郭先生文集四編卷之二

平安

服元喬子遷著

男 雄仲英輯

七言律詩

西游賦別諸子

海上年衰且暫回長安千里路悠哉久為東泊隨流  
客非復西征作賦才朝雨纔過沾旅服春風欲暮惜  
離杯請看遊子浮雲色回首天涯去却來

出門示家人

兩地風煙客跡齊，此行還似夢魂迷。  
出門赤水停橋北，取道滄江向驛西。  
他日寧無烏鵲報，祇今唯有子規啼。  
不須苦勸催歸切，更住何家定舊溪。

駿河道中望芙蓉

天外芙蓉掌裏看，三原驛舍此盤桓。  
肌膚坐切真人雪，窻牖窺攀玉女壇。  
蒼海半分山足色，紫宮高並嶺頭寒。  
千秋詞賦爭懸絕，投筆深慙仰止難。

大堰河

旅客馮陵慎涉過，橫天湍瀨急頽波。  
水光倒走中山

樹石勢轟流大堰，河決口年年沈白馬。  
防堤處處卧蒼虵，早知夏后行無事，安得成功濟世多。

桑海

西去長天落日斜，風帆桑海信煙波。  
一千里外行將盡，七十灘頭看復過。  
只覺潮分驅颺颺，那知坐穩駕龜鼉。  
此身已託蓬萊上，曲裏遊仙混棹歌。

三井樓觀望湖

疆開澤國半吞空，為擁皇州地勢雄。  
海氣千重連朔北，湖天一望接關東。  
水深猶有驪龍窟，波冷曾荒白

鳳宮誰謂江山分八詠登樓盡入畫圖中

入京有懷

五十年前出上京，今遊猶作客中情。別長何處尋桑梓，祚薄無家問弟兄。認得山川疑夢寐，想來多少自分明。共知流轉人寰裏，愧似劉郎返赤城。

登比叡山

赤城竒跡道丹丘，攀盡霞標到上頭。環列羣峯朝一嶽，並懸三塔俯中州。帝心百堵迴天作，王氣千年近日浮。延曆山河長賜誓，風雲際會至今流。

覽芳野宮跡五首

君王駐輦白雲隈，自狩南山久不回。大寶虛懷傳國璽，黃金徒築待賢臺。非無險地分兵守，轉使中原隔貢來。興復群臣疲廟略，乾坤終爾別難開。

南朝天子紫宸宮，文物蕭條谷響空。誰勸清原迴駕策，難成蜀土出師功。溪流不竭悲王澤，地勢無興入國風。縱是先蹤馮問道，深山唯有葛仙翁。

薄蝕曾銷日月光，耀兵多歲換垂裳。九州畫野供龍戰，萬乘無時附鳳翔。帝運百王移各處，天衷一統誘

何方中朝尚被強臣制不獨南遷遠上皇  
金峯捧日駐朝霞御嶽群山入犬牙只道千年三建  
闕何如四海一為家蘭臺渾作空王殿玉樹難分上  
苑花更問攀髯號泣路六龍安在五雲車  
楠公慷慨昔登壇冠望旄頭破膽寒河內拜恩懸日  
誓葛城圖敵倚雲看一身已殉勤王略三世猶勞復  
祚難闕外恃乘豺虎亂南方歲月委偏安

箕尾山瀑布

偶緣探勝此躋攀地迫雲門極峽間萬丈瀑泉鳴石

壁千般艸木潤巖山方憐界道懸天上忽恨隨流落  
世寰得叩列星假投宿應騎箕尾向東還

經關原二首

憶昔關山入戰圖風雲各逐指麾殊中原一虜窺神  
器大國三軍藉寇弧已見龍飛新宇宙始知烏合散  
江湖即今四海歸天授不隔東西萬里途  
曾降天兵百萬師關原艸木亂旌旗蚩尤風雨驚三  
鼓黃帝干戈止一麾山帶城雲連北出途開驛樹向  
東移迴頭此地惟功業不待崇朝創永基

岐阻山行

岐阻從來險，劔門阨危不啻近。焦原巖連棧道懸，空渡峽急難聲轉。谷昏古木千章籠，日月深山一路隔。乾坤最驚盛夏雲端，雪諸嶽中天冷可捫。

雷雨踰鳥居嶺

鳥居山畔漠雲前，怒馬駿毛行竦然。雷雨劈巖迷大麓，烈風飛木捲高巔。好應驅鬼令開路，假是騎龍欲上天。爭罷因思鼙鼓地，雄心撫劔顧當年。

題郡山侯邸伴月樓

白壁爭投有衆賓，武昌秋興夜愈新。只言對月堪為伴，且想登樓更待人。遙映海珠懸邸樹，斜含嶽雪藹城闌。誰憐不淺叨恩客，曾廁當年席上珍。

呂元大奉

朝命采藥長石之間，賦此贈行。

金門待命自分明，乘傳過關使者行。道向山陽多福地，天迴海上入名城。丹砂鴟井隨流得，石髓龍巖到處生。總是仙區兼宇內，何勞秦客泛蓬瀛。東叡大王書堂新成，茶賦奉賀。

君王常在曜華宮，新館玲瓏重更工。賦進鄒枚詞客



坐函開內外閣書中赤城別自標霞彩朱闥陽明引  
日紅共識五車供廣覽應緣三學助弘通

金井侯聽潮館春集得十灰

朱門江館壓蘭臺萬里雄風接海開午色高懸庭樹  
豁潮聲洶動苑牆回紫煙霄近遊仙曲綠酒春浮坐  
客杯共羨龍淵臨積水隨侯自有得珠才

奉送

東叡大王西上

龍騎鸞輿護送分青霄紫氣映氤氳西昇天近長安

日北極星回闔闔雲詩就棣華隨上苑樂調琴瑟對  
南薰漢庭為重淮王學賜

詔應裁五色文

冬初遊妙解院和主人尊者作

霜後希求祇樹林丹楓秋盡入蕭森避人本愛風塵  
遠觀物猶餘色相深禪石流泉侵坐冷香臺落日近  
山沈歲寒不改交遊侶共指庭前松栢心

古意

思婦天涯獨處愁試開明月滿高樓藁砧安在城南

夜鴻鴈空來塞北秋洛浦錦衾悲昔日沙場金甲滯  
邊州征人但見黃河水何似終年涕淚流

金井侯後園池亭集得庚韻

君侯心事濯塵纓共愛池臺積水清寒盡山河辭舊  
色花開艸樹入新晴非關闕下青雲近別有園中白  
日明禽鳥似知方外好相呼不惜弄春聲

鸞嘯閣集分得十一尤奉和熊本侯作

蒼龍口上彩雲浮邸第城東映御溝元聽高臺鸞嘯  
響初看阿閣鳳鳴遊筵開春色催花早賦起雄風送

雨收自是文章干氣象侯家圭璧有誰酬

鸞嘯閣席上酬秋文學見贈

高歡不問夕陽催永日春風留客杯白首唯垂絲髮  
短朱門謾醉綺筵開聽歌海表知齊大接坐蘭臺見  
楚才誰謂相求幽谷鳥羞從鸞嘯一徘徊

和松崎君修見贈

盛代家家絃誦聲中原才子正縱橫千秋大業還君  
輩百歲徒傷愧老生價定連城誰不識投來尺璧自  
分明龍門一世非吾事只得曾知文舉名

聞白河侯進品階賦此奉賀

白河封守列維城朝會時聞政績成紀世漢年光史  
表進班周室寵宗盟紫宮舊映青雲色玉佩愈添朱  
黻明身貴更稱耽學術好將文德答升平

奉送宇土侯就國

凌霄旌旆擁君侯東道雲煙西海流金絡蒼龍齊五  
馬錦帆青翰穩方舟披襟行向清風色到府先登明  
月樓只為歲年情不淺興來時憶武昌秋

雨中泛江

雲煙縹緲大江隈水載樓筵自在迴避濕不妨船上  
妓生涼頻勸雨中杯龍山樹合輕陰靜牛渚流浮薄  
霧來見有臨淵蓑笠客須臾供饌得魚回

和霞關公病中九日之作

宿衛當年罷總戎知君回首建章宮重陽伏枕蕭條  
色佳節停杯感慨中因憶歡隨交友少還憐病與故  
人同難追昔日龍山會共歎秋風鶴髮翁

遙題濠濮園寄上熊本侯

傳云園有書室

秋省年豐歸坐深開亭城內敞園林遠遊不問先王

觀昭曠堪論尚友心聞誦詩書供樂事知迴濠濮會  
幽襟由來南面山川主更自披圖對古今

永代橋望西山晴雪

長橋高渡大江東回望西山入鬱蔥天外三峯連玉  
樹城頭五色妬瑤宮更看近接蓬萊上直指遙晴間  
闔中今日神州朝海地仰瞻知使此都雄

奉訪猗蘭老侯隱居

紫極青雲指掌間誰知辭滿謝崇班三朝日月懸車  
穩一壑煙霞卜地閑身退功名餘北闕心遙江海繞

南山幽情不老多行樂長此春風入醉顏

題喜壽公臨海樓

猗蘭侯隱處  
名喜壽園

層樓初日破溟烟灑氣朝開若木懸簾捲龍蹻疑踏  
浪檻攀鵬際欲垂天高樓已謝山中相遙舉常遊海  
上仙不是華陽隱居小十洲三島彩雲前

至日集金井侯新樓同賦

邸第新成四望開迎筵雲物繞樓臺南天日動初陽  
至東海潮添舊色來百尺共依牀上座分陰緩把掌  
中杯聊隨賀雀攀棲鳳謾哢喧聲未擬回

大川尊者奉 勅例住京師大德寺賦此奉

送

江山春近雪霜微錫杖彌天自在飛  
大刹一燈傳日月高壇百尺捧光輝  
鳳城雲動青霄詔龍寶珠盈紫野  
衣猶是暫時千里別萬松西偃待東歸

首春集日出侯邸宿雪未消侯有詩見贈即

事奉和

朱門白雪映青雲春早輕寒淑氣分  
駐色瑤臺開座席先花玉樹入榮芬  
鳥聲日永歌相和客興杯深酒

半醺已謝郢中高唱曲難酬下里未成文

早秋奉送金井侯歸藩

褰帷千里一州通天外長雲海岱東方嶽  
連城迎爽氣關門征旆入秋風歸藩侯服看田闢  
聽政農時報歲豐最是封疆饒勝地何妨多暇賦詩工

奉和金井侯秋日在藩見寄懷都下諸子之

作

此日秋風萬里開鴈門太守寄書來  
關城早已催霜色搖落還堪試賦才  
金井清樽誰侍座羽山明月幾

登臺武昌數子狂無恙暫望高樓待再回

寄題日出侯望海樓侯設仙女閣想及戲之

日出城頭積水開君侯淖約上樓臺遙知姑射真人坐恰好蓬萊織女來把酒且深蒼海色臨波誰勸紫霞杯九州環內通潮近安得乘鯨一覽回

至後二日遊巖邑侯相忘園

侯家池館大江隈泉石通潮萬頃開別闢乾坤涵日月更浮湖海入樓臺初陽已復寒園樹輕暖堪催春酒杯非獨相看忘主客禽魚亦自似窺來

七月七日奉送烏羽侯新就國

河水秋平烏鵲渚朝陽晴送鳳凰城旌衝南斗雙星色騎擁東方五馬行父老幾家沾舊澤謳歌闔境入新聲遙知遵海珠歸處隨意觀游弄月明

九日宴登聽潮閣得晴字

茱萸黃菊避塵情况復攀來高閣晴不羨龍山千氣象何如鯨海聽潮聲長風入座堪吹帽一曲臨流欲濯纓此日都無愁雨色應緣邸第占清明

秋日鸞嘯閣集限韻

白日朱門對鳳城，青雲彩筆眼中生。  
珠噴龍口臨流處，風起鸞臺坐嘯聲。  
黃菊節存杯酒興，丹楓秋駐露華明。  
誰憐老侍衣裳會，一石淳于醉後情。

歲暮遣懷示家人

抱病杯樽不可親，空憐汝輩喜迎新。  
已窮半死催時老，非復分陰惜日人。  
鬢髮徒傷爭白雪，風光無意待青春。  
幸遭天地明年在，重為鶯花愛此身。

樂山公子席上奉和見贈之作

雨中開苑更芳菲，玉樹東山對翠微。  
太液流浮清酒

動五陵雲繞彩毫，飛賤人不敢驕。  
韋帶公館唯憐歡布衣，誰似漢家劉子政。  
世傳文物自光輝。

重遊玉笥山二首

濟勝愜情輕此身，分雲始覺步虛新。  
五丁鑿道誰開蜀，幾世留家似避秦。  
傳響歌呼幽谷鳥，遊方共遇武陵人。  
山中雞犬看相熟，重到無勞迷問津。

再試深山一日情，溫泉東澤自分明。  
當年聒聽鳴流響，半夜仍疑驟雨聲。  
玉笥峯懸仙路近，白雲天傍嶽根生。  
垢氛洗盡唯高枕，夢裡還應昇上清。

松鶴壽歌奉賀金井侯四十初度

松標佳色對蓬瀛飛到仙禽海上聲龍卧陰濃鱗未  
老鶴棲毛化羽愈生長條雪帶青雲住偃蓋霜凝玉  
署清願奉高堂今日酒凌霄聊比九臯鳴

為金井侯奉賀太夫人六十壽

孝養侯家奉席初北堂孫子滿階除已知曾頌朋三  
壽更比周詩數九如行酒仙姬聯錦繡陳珍喜客贈  
瓊琚幾回坐見蟠桃熟戴勝怡顏長燕昏

每旦得井花水解渴爽然常足因有感賦以

自喜

衰年病渴到三更含水華池液亦生常喜隣家叩門  
得不憂僮豎挈瓶爭漢宮承露金莖賜魏殿凝冰玉  
井清寄道營求丹鼎子人間大藥有天成

呈金井侯奉賀特 賜新第

先公燮理滿乾坤道長陽春復舊恩氣色回天承北  
極雲霄賜第甲東門驩聲燕雀移高樹淑景樓臺開  
後園今日難呈丘壑語廟堂重見典刑存

苦秋霖已至重陽前日二首



繞屋園林木葉摧秋霖况復日相催臥聽蕭瑟唯高  
枕擬遣憂愁難上臺猶有杯樽陶令酒誰悲搖落楚  
臣才明朝縱遇重陽節何處迎晴一醉回

積雨重陰鬱未披坐教佳節背心期抱憂臥病常多  
日臨水登山復幾時三徑泥侵蒿州亂東籬露恨菊  
花遲已知送酒無人到纔向貧家客自疑

秋霖遇九日未晴奉寄金井侯

雲隔城南尺五天朱門白屋自遼然已憂九日多風  
雨更盡三秋惜歲年不似東籬寒濁酒定應北海命

芳筵登臺想罷饒高興閉戶低頭獨醉眠

十日新晴集悟賞館

高追佳宴此徘徊猶似重陽昨節回舊雨改看珠樹  
色新晴無恙菊花杯喜逢白日披雲霧悟賞青樽醉  
邸臺暑短歡長須共惜風光况遇晚秋催

冬日秋玉山岡朱陵二文學見訪州堂賦謝

雙投連壁接光輝却掃初開郊外扉只愧野人供給  
窶都緣佳客訪存稀醉來空谷年將盡興到前溪雪  
未飛赤水縱無珠訂得待迎寒月送君歸

獨酌有懷亡友二首

人亾奚但邈山河不復黃公壚下過轉眼浮雲歸索  
寞顧身落日更蹉跎論交地與親朋盡懷舊情隨歲  
月多絲竹無由欣樂趣獨弦當酒一哀歌  
當年一夢結交場老去尋思總渺茫南陌北堂知幾  
客楚雲湘水復何鄉銜杯曾謂忘憂好值酒翻傷惹  
恨長萬事悵然難作醉時時潦倒背風光

春雪鸞嘯閣集得春字

鶯啼郎樹報芳辰鸞嘯臺筵賞更新已爲高歌留白

雪且緣相和入陽春論文侯伯還經國比玉珪璋都  
屬人取醉叨陪雲上會餘歡不厭勸杯頻

奉酬熊本侯見寄贈

阿蘓神嶽彩雲間峻極天邊誰得攀鎮跨九州分五  
服封迴大海對三山文緣盛事泰前席情憫衰年厚  
假顏白雪兼歌招隱曲和將下里奉清閒

九日米大夫席上

守邸重陽館舍樓朱門照處日光浮鳳城闕並青雲  
出龍口溝橫紫陌流醉到情忘杯酒坐詩成興遠菊

白身集四編 卷之二 十五  
花秋六夫自有登高賦何必山川遙更求

西莊題門

西莊負郭倚郊坳十畝閑閑孤州亭聊闢丘園稱白  
賁非緣寂寞守玄經卜隣自任農家素學圃時看麥  
隴青不許問奇延俗客但來載酒藉荒庭

白賁墅四首

古木踈籬繞艸堂天開地僻愛荒荒東隣幸假青松  
色西嶽何來白雪光春及農人治廢圃主新巢燕定  
空梁村醪傾盡忘吾老鼓缶高歌送夕陽

乾坤別有謫天仙客膝壺中坐敞然分畝宜多供酒  
秫倚人仍貸買山錢爲緣名苑隣金谷猶自春流引  
玉川不作鄉心非土嘆賦成斯處擬歸田

郊雲深處靜簾前細雨霏霏春可憐已老松杉看改  
色新栽竹樹更生煙家貧不羨山陰墅酒薄難招林  
下賢頭白事閑幽意足悔同塵俗誤芳年

澁谷南村羽澤西園林處處子規啼殘花春盡憐新  
樹芳草今來餘舊蹊墾徧石田猶粒食室成山隴似  
巢棲自慚野鳥還驚怪久息機心此杖藜

熊本侯見寄題白賁酬此奉謝

欲賁丘園不可求，荒餘聊卜小山頭。  
避人只沒蓬蒿跡，學隱深慚桂樹幽。  
豈料楚臺歌一曲，並懸富嶽雪千秋。  
自驚返照雲霄色，從此將添佳色浮。

西莊秋意六首

無邊搖落擅秋陰，丘壑蕭條試隱心。  
客少鳥啼山不淺，農貧市遠里愈深。  
不材只愛天年樹，衆竅猶聞地籟音。  
更有相知入吾室，窺人明月透前林。

荒園白賁獨回頭，跨跨踣踣唯憐一壑秋。  
鑿井得泉行自足，立錐有地復何求。  
風琴入坐松還奏，霜錦彌山楓自稠。  
年少豪華休謾笑，孰如富貴似雲浮。

繞堂燕子故飛飛，搖落悲秋坐翠微。  
爲汝辭巢看欲去，似人臨水送將歸。  
卜居既製芙蓉帳，卒歲仍裁薜荔衣。  
無恨主翁難永保，回春幸待入山扉。

誰謂田間稼穡難，鶉居穀食似相安。  
身生三樂從吾得，已分百年唯自寬。  
郊野秋過收獲靜，山林色入變衰寒。  
相逢解我行情意，拾穗村翁回首看。

曲笠長筇一老身，山中秋盡趣還新。  
寒林護葉猶障

日花木歸根別待春時將嘯詠供棲隱日涉巖阿養  
谷神設令樵者聞行怪勿道蘓門自有入  
獨往獨來知者稀舍南舍北比隣微欲餐叢菊籬邊  
瘦足飽蹲鴟山下肥水冷秋溪收薄霧林疎夕日送  
清輝約僮勿復爲囂耻所有携壺盡醉還

南郭先生文集四編卷之二

南郭先生文集四編卷之三

平安

服元喬子遷著

男 雄仲英輯

五言絕

方公松風齋

莊子：同存

蕭寺訪方公深林目擊中賞心不相隔閑坐聽松風  
題画山水

絕津無客跡隔岸有人家此中堪沒世山水足煙霞  
江亭立秋

落日江亭酒猶憐，  
過暑杯秋風不待報。  
先入晚潮來

金井侯後園七題

鳳館千竿竹清風相和，  
生客來對長嘯不待雌雄鳴。

右鳳棲館

寒水靜逾碧，深淵不可窺。  
蟠龍千尺窟，應有興雲時。

右龍淵

高柳臨塘水拂雲，  
將拂波金絲輕不亂。  
一片夕陽多。

右柳塘

鬱島彩雲中，神山自不遠。  
何用假黿頭，坐來盤石穩。

右小蓬萊

西風秋水起，楓葉又蕭蕭。  
群鴈相追下，應緣認沅湘。

右楓浦

坐客彈鳴琴，臨流看潛躍。  
同心已不稀，相顧知魚樂。

右觀魚亭

開館小池，曲通潮大海。  
濱豔然，明月出先照。  
舉杯人。

右海月灣

曉發山驛

山行曉不迷，熟路驛亭西。  
但恨山間月，行行沒馬蹄。

舊宮人

久移宮裡柳零盡，陌頭霜繡袂。向人解猶餘，舊賜香

林臥

客散臥林中，杯殘人語空。醉眠夢未熟，半自聽松風。

梅雨

白屋黃梅雨蕭蕭，撫枕寒。南山朝暮色，不作出門看。

山下泉得中字

枕石伴清響，泉聲日夜通。人間從此去，何似住山中。

柳花詞

風吹晴日雪花占，晚堤春飛著。別離客飄零，送幾人

秋風引送人得風字

相看搖落，候去住共。秋風到處隨，明月愁心滿。客中

題淵明歸來圖

吾廬共無恙，歡接見妻兒。未賦歸來意，先憐松菊知。

聞砧

何處砧聲急，聞時雙淚流。無爲孤客夜，代作征夫愁。

江亭春夜送別得離字

江水春方滿，江亭送別離。花開月復出，遊子無歸時。

同前得寒字

春江花月夜把酒臨江干為有別離意相看心自寒  
雨中殘花得灰韻二首

殘花春可惜猶自冒寒開不怨階前雨還須勸酒杯  
打花終日雨似妬殘枝開神女過何處蕭蕭遶楚臺

夏夜宿僧院二首

偶坐逢僧夏月明分夜涼林中珠滿處一點得清光  
洗鉢僧房晚浴龍池水中臥聞半夜雨濯熱過林東

觀瀾園八勝佐倉侯東莊

波瀾觀萬里積水濶亭居日月容相照應緣江海虛

右觀瀾亭

古木落空翠近攀山上看午陰不可拾只覺濕衣寒

右空翠阜

潭府愛幽賞江亭臨渚成應知人事靜鷗鳥近無驚

右海鷗渚

朱華浮綠水初發映池塘方受朝陽色似添蓮府光

右朱華沼

斷岸過坳上溪流穿石清徘徊停屐聽下有迸珠聲



石曲圮

卷末

菊花園頃圃培法受神仙不羨生金地還同種玉田

右菊圃

溪石夾溝渠潮來開閘初溟流澆潯入應是鯨噴餘

右引潮溪

清風侵座落繁翠古松深自有棟梁氣亦存丘壑心

右倚松館

看調馬

世說

龍馬愛馴良金溝試驟步並驅誰且先迴合似相顧

賦得獨釣寒江雪

回望雪漫漫長江一釣竿前村風且白唯看酒旗寒

七言絕

長安感懷三首

長安大道昔時春故苑歸來白髮新今日看他行樂地相逢總是少年人

謾記南山卜隱時重來佳處不勝思一丘一壑長如

故留得蕭條更待誰

回頭無限霸陵山佳色千秋滿漢關身是已為吳下

世說出遊一丘歸  
卧一壑

深鴻

客五噫歌能向東還

泊瀨觀音閣

字據河

文選

泊瀨春雲五色間，觀音高閣占名山。  
鈴鈴金策誰家客，三十三天次第攀。

般若井詩

事詳麻谷道人記

瑞祥靈跡瑞祥通，石甃銀牀傍梵宮。  
心地海深般若水，乾泉復出為圓公。

奉酬泉侯見寄作二首

侯時有協衛浪華之行

夜珠元自屬隨侯，臨別翻投赤水流。  
征旆行懸城上

莊子赤水玄珠

色更開明月浪華秋

衰年都廢茂陵書，宿昔凌雲謝子虛。  
為是下惟堪伏枕，唯餘多病似相如。

為子子迪壽太翁七十

總海東連若木開，朝霞日出見蓬萊。  
懸知高會蒼顏侶，坐酌仙人沆瀣杯。

智乘院池上送巖同甫野子賤還湖中得青

字

湖天萬里尚冥冥，二子乘舟還洞庭。  
此曾池邊相憶

否眼中猶入數峰青

守山侯占春園花飲園有繫駒樹

占春園裏擁樓臺清酒芳筵留客杯今夕逍遙繫駒樹何人不醉背花回

戲題插花掛版

昔日君王恩未成司花偏侍太憨生無端一出隋宮後憐殺春風別有情

伏疾值中秋

誰家歡宴月明前絲管紛紛徹曉天垂死帳中歌枕

聽秋風只在促衰年

起復謝問疾諸君

老年心事著寒灰抱病偏臨永夜臺但爲故人招得切遊魂不遠復歸來

金井侯見貽蓑笠率賦奉謝

樓臺百尺大江頭湖海還通一釣舟著得老翁蓑笠好欲乘春雨聽潮流

九日送松前新帥奉使赴浪華

黃花此日照金盤奉使非關別酒寒行且逢迎諸將

會浪華城上倚高看

早春歸德命駕余時遊江東不在壁上見留

二詩和以寄謝

江東步兵

寒盡還蘇病後身江東花鳥逐新春誰知張翰杯無  
恙猶自生前混酒人

慙愧君來違罄歡蕭條四壁州堂寒留題但是陽春  
調轉恨含杯相和難

春盡觀魚亭分韻十一尤

花盡春林落日浮子規啼送暮天愁相看但有江湖

趣忘却觀魚亭下游

神門越君叔嶽壽太孺人賦此并菊花奉贈  
九月僊桃熟幾回高筵日暖北堂開願添黃菊南陽  
色更進金門玉露杯

離宮怨

漏靜長門夜未分起來花落已紛紛玉階但是懸明  
月復自朧朧入曉雲

約遊妙解院諸君先至艸堂雨不果同賦簡

六川尊者

此日朝來歎舊今人間風雨隔東林只逢半道開杯  
酒猶似蓮華社裏心

冬初同諸君遊妙解精舍先是數約秋觀值  
雨至今主人尊者有詩和以申志

廬山同社問殘秋雨後空林落木愁唯有心期長不  
背白雲依舊入杯浮

送東嶽生從駕其君之西京

吳門白馬雪紛紛千騎東方匹練分到日長安花似  
錦據鞍堪自鬪春雲

鸞嘯閣席上酬李菴南君

龍溝春水吐珠迴彩筆看君侍郎臺想得阿蘇山上  
色曾飛咳唾問天來

送佐子坤從宇土侯歸國

好去還鄉宇土城追隨且奉使君行江山自入風雲  
興不似孤征動客情

題画山水

誰家乘興一扁舟行望樓臺山寺秋積翠閑雲無限  
影相迎生入大江流

去日奉問金井侯臥病戲作

使君稱病畏春寒，綉被香深暖合歡。  
更進姬人侍服散，何妨帳裏擁花看。

楊柳橋送人二首

楊柳橋邊墨水濱，酒家留客不勝春。  
誰知暫對胡姬醉，中有愁心送別人。  
千家兩岸大江流，楊柳毵毵欲繫舟。  
此地春風無限恨，橋邊分手爲君愁。

夏日飲田家

蕭條麥隴半成黃，農畝無人猶未忙。  
野老休疑相對飲，吾徒一醉即高陽。

東山寶光堂觀楓

東山返照雨花臺，霜後登臨樹樹開。  
春日懸珠秋日錦，寶光長在彩雲隈。

伏日聞秋文學壽筵賦寄

壽席相逢長命杯，無非酒賦勸君開。  
盡歡此日梁園客，不羨金門割肉回。

秋日集聽潮館奉寄懷巖邑侯得頭字

青六集四錄 卷之三 十一  
館中依<sub>レ</sub>昔<sub>レ</sub>海潮秋相憶遙知獨上樓只慰名山巖色  
色白雲長自滿城頭

三日雨

佳節年添白髮新老來遙隔永和春蕭條何事花時  
雨猶為風光愁殺人

聞友人遣妓戲贈

舞筵新愛一枝花何待裁來結子遐無那情郎春易  
盡移陰更復向誰家

尾藩鈴公致仕後寄此遙想樂事

高談下飲坐相酬都愛蕭然一室秋為政當年清靜  
意于今更作采真遊

遊仙曲

雲臺玉女伴仙翁天上合歡都不同為謝人間徒起  
羨氤氳重隔紫烟中

秋夜宿石冢氏館聽雨得四支

村樹秋聲雨遶枝終宵置酒欲酣時相看不是離家  
遠猶似蕭蕭添客思

天遊館雪集得一東

珠樹銀臺瑤闕東爭妍，白雪共玲瓏。誰知詞賦人如玉，此日梁園壓漢宮。

早春賦梅花落送人

離筵遙望夕陽斜，西到長安是我家。欲折一枝附君贈，江南春早落梅花。

春雪集悟賞館

館前飛雪避春寒，且映金樽白玉盤。不恨風光遲未至，紛紛已作落花香。

送石仲綠赴尾陽且游西京

雄都壯麗舊經過，相和千人客裏歌。更到長安尋勝事，名山大澤待人多。

送曇龍師遊玉笥山

飛錫凌空欲上天，碧雲吟作白雲篇。試藏石室長無盡，留在名山玉笥邊。

題曇龍師詩卷

誰知大地放光新，七寶金銀都是真。借問君家安養侶，能遊此境更何人。

送人遊赤石



滄海征帆赤石城古時洲島霧中生試看今變桑田  
地萬戶秋風既月明

奉和古壽侯中秋對月見懷之作

相憶當年百感生桂花秋至不勝情但知滄海樓頭  
月不減青雲城上明

雨晴登聽潮閣限韵收遊秋

雲飛海上雨初收共醉聽潮閣上游休怪晚來歸不  
去停杯更待月明秋

金川渡海到三浦

三浦懸帆破白波江山改觀入看多相迎海若爲驕  
色乘去長風一笑過

浦賀三首

相中大港繞江山萬戶人家兩岸間一夜西風吹不  
盡千帆飛入海門關

海上關門積水寒江湖猶恐避人難不圖自有隱君  
子枉作青牛紫氣看

三浦三崎十洲邊海南海西萬國船應爲鼇頭流不  
住相逢多是播蓬仙

望海一首

相山遙望大荒流，一片長雲海上秋。  
更向天南鴻鴈渡，始知環外有滄洲。  
大海煙波入頌濛，不知何處是寰中。  
天邊唯有扶桑樹，佳氣偏凝日出東。

九里濱

相換

九里長濤萬里迴，海門中斷大潮來。  
琅邪山上先王觀，猶自吾徒遊不回。

望蓋山

蓋村城郭倚陂陀，墟落蕭條行且過。  
秋色更攀林外望，千山交處夕陽多。

登深谷山

無限秋風木葉飛，林巒傳響遇人稀。  
蓋山城外臨深谷，獨自蘇門長嘯歸。

城島照海燈

城島孤燈夜似星，海南祠上照波青。  
千帆商舶風濤裏，直望天光拂杳冥。

夜袁

旅館更深落口似空山無夢夜猿啼斷腸不待三聲  
後回首徒教客思迷

賦得春寒花較遲韵鶯字

園林迎氣入春情冰雪纔消試步行何處風光幽谷  
樹欲將花信問遷鶯

將遊函山留別諸君

東方函嶽跨蒼龍欲壓天門日觀峯若問歸來持贈  
物連雲白雪有芙蓉

得山中人書

為之達一期稍覺病已因賦為謝

年衰轉歎別離難老樹蕭蕭臨路寒唯倚能回春色  
手著花明歲待君看

流螢篇

深宮玉樹月光微數點流螢照薄幃縱是秋風吹不  
定那知不傍九霄飛

初冬衰露園集賞菊分陽韻

菊籬錦繡引杯長衰露凝光未帶霜總為愛花兼愛  
客深園十月時秋香

賦得古別離 覃韻

紛紛楓葉落，湘潭腸斷秋川湛。似藍一去北流看，不返妾身長自在江南。

病後同諸子遊少林院席上奉和大川尊者

見贈

登廬踏履侵蓮漏，求酒垂巾醉玉杯。仍為遠公憐病客，舍兒門客共扶來。

舟中雪

月夜江天墨水寒，人家兩岸雪漫漫。扁舟乘去興難

久隔華陽洞裏蹊，依山望盡白雲西。白雲唯解去來色，書贈人間傳不迷。

山館避暑

長岡侯後園席上作

繞館千章六月寒，風搖空翠落欄杆。醉銜杯酒醒高枕，只作深山隔世看。

逍遙園集得侵韻奉和主侯席上見贈之作

杯酒相忘醉裡心，逍遙更入後園深。雲霄縱得攀鵬翼，莫是尋常笑小禽。

為慧上人題芙蓉圖

壁上芙蓉萬維李十第宅字山雪華如玉對開顏奪將芥子須彌  
色容在諸天方丈間

雪後聽潮閣逢立春

高歌白雪照筵通更和陽春滿郢中此日聽潮開閣  
望年光先入大江東

三月四日臥遊亭集得一先

高亭真境對山川醉臥深看洞裏天休問昨遊何地  
好桃花此處伴神仙

送章菴杉生生善鍼術予適有風痺之病生

盡誰作山陰門外看

唐詩之曲

分得平蕃曲寒韻

黃河一帶塞雲端直上燕然山北看從此漢家三十  
萬還鄉休歎遠征難

雪漁師為萬年山上座寄此為賀

萬年山上倚青松盤結高分坐似龍知是抱珠眠更  
穩彩雲飛送下堂鍾

春日送峇山上人西遊

雲遊仗錫幾山河最是長安春色多縱是幻華無所

著勝情寧得等閑過

三日尋子昌莊

鳥啼花發野亭西三日重來路不迷處處春風桃李  
下何人已足踏成蹊

和答宗仙細川君

病夫十載避風塵蹊路還慚桃李春此處休傳流俗  
說城頭年少易窺人

和答武田君子誠

久拌謝客已衰年不艸玄經唯醉眠縱是被嘲無解

事何須萬一世人憐

金地院謁方丈蒼溟尊者話舊席上因和見  
贈之作奉謝

三十年前舊梵臺指揮如意復歸來自憐未死交遊  
侶重逐天花拾得回

送島子行從駕其君之浪華

別酒忽忽行色催離情空送浪華臺勸君江海登樓  
處豪氣堪傾鸚鵡杯

送曇龍師歸省海西

真果東方珠絡身歸開明月海西濱囊中別有千金  
價好是深藏奉老親

六月晦日遊少林院

人間何事坐忽忽一半年光似夢中幸有少林常住  
色攀來早已入秋風

七夕前一日天臺侯館納涼

今宵先照二星光烏鵲橋頭愛早涼自是天臺遠  
尺偏疑銀漢灑衣裳

七夕悟賞館值雨得秋字

天臺遠顏咫尺

銜杯良會共登樓不羨雙星七月秋愛此分將天上  
水散為雨色逐涼流

奉寄懷神戶嗣侯

賦月高樓彼一時繁陰重想桂花枝誰憐十載西園  
客回首秋風髮似絲

遇井君君祥見示客中稿兼有惠詩因賦短  
章為贈

一遇交驩為盡杯且聞上國宦遊回休言祇役無寧  
處堪羨三都作賦才

每心

卷之二

十一

米大夫將西歸留詩二首見別聊和一首因

叙離情

此去重來復幾時尋常萬里易前期獨悲落日將衰  
老別後西看天一涯

春日奉送扶搖公子之常陽

白馬金鞍公子行東門艸色似相迎青青楊柳何須  
折欲併春光送路程

鸞嘯閣雨集席上奉酬松山世子見贈

鸞嘯高筵鳳作群何妨閣上雨紛紛羽山更有來儀

客照出朝陽五彩文

題画竹

窻前已似含煙動壁上還如承露輕若問山陽林下  
色清風時自待人生

山莊栽松樹子

欲移松樹此徘徊八十山翁手自栽遲暮祇應憐楚  
楚何須長待棟梁材

謝青山山大有惠移喬松植之白賁野

老學愚公壘壤開繁松忽此鬱蔥哉謝君遠併青山



色助我能移喬木來

南郭先生文集四編卷之三

